



Datos Do Expediente:

SOLICITUDE XENERICA (TX-01)	
Unidade Tramitadora:	
Promocion Economica - mcls	
Número expediente:	Documento:
 ECO/2024/13	 ECO18I00CV
2B4V 722X 1C4U 2D5E 0PVW 	

CONVENIO COA CONFRARÍA DE PESCADORES E MARISCADORES DE FERROL EN MATERIA DE PROMOCIÓN ECONÓMICA

CAPÍTULO 1. Identificación dos subscritores do convenio e capacidade xurídica:

Dunha parte: Dona Marián Ferreiro Díaz, con DNI 32662709H, na súa condición de alcaldesa-presidenta do Concello de Narón, con CIF P-1505500-G e con enderezo a efectos de notificacións, na Praza de Galicia, s/n, 15570, Narón.

Doutra parte, D. Gustavo Adolfo Chacartegui Pérez-Castrillón co DNI: 32696210P, na súa condición de Patrón Maior da Cofradía de Pescadores e Mariscadores de Ferrol, con CIF G15035116 e enderezo social a efectos de notificacións no Edificio Lonxa-Muelle Curuxeiras, s/n (15401-Ferrol).

CAPÍTULO 2.- Fundamento do Convenio

O Concello de Narón leva varios anos asinando un convenio de colaboración coa Confraría de Pescadores e Mariscadores de Ferrol.

A Cofradía de Pescadores e Mariscadores de Ferrol é unha corporación de Dereito Público se ánimo de lucro, que representa os intereses dos profesionais do sector pesqueiro e actúa á vez coma órgano de consulta e colaboración coa Administración, de acordo cos principios de observancia da legalidade, transparencia e democracia na súa estrutura interna e funcionamento, cunha longa tradición e experiencia na organización da pesca, traballando na promoción do sector e na defensa dos intereses económicos sociais e corporativos dos profesionais do mar.

Os municipios de Narón, Ferrol, Neda ou Fene, comparten numerosas infraestruturas e servizos, sendo a propia ría de Ferrolterra un elemento natural de cohesión, desenvolvemento social, económico e de emprego.

Entre as actividades produtivas vinculadas á nosa ría, o marisqueo ocupa un lugar destacado, tanto polo número de familias economicamente dependentes desa encomiable tarefa, como polo propio volume de riqueza que aquel supón. É a Lei 11/2008, do 3 de decembro, de pesca de Galicia, (modificada pola Lei 6/2009, do



11 de decembro), a que define o marisqueo como o exercicio da actividade extractiva, desenvolvida a pé ou a flote, na zona marítima ou marítimo-terrestre, dirixido de modo exclusivo e con artes selectivas e específicas á captura dunha ou varias especies de moluscos, crustáceos, tunicados, equinodermos e outros invertebrados mariños, con fins de comercialización.

Este convenio fundaméntase na necesidade de consolidar a comercialización sustentable de produtos mariños, en particular mariscos bivalvos, contribuíndo ao desenvolvemento económico local.

A través deste convenio, búscase fortalecer o sector pesqueiro e marisqueiro, preservar os recursos naturais e fomentar a creación de emprego, especialmente mediante a integración de novos profesionais formados en accións impulsadas polo Concello de Narón.

A colaboración entre ambas as institucións non só responde á necesidade de asegurar a viabilidade económica da actividade comercial da Confraría, senón tamén a promover un modelo de xestión que permita a sustentabilidade a longo prazo do sector, atendendo a principios de responsabilidade social e ambiental. Ademais, este convenio pretende impulsar a participación activa da comunidade local na cadea de valor do sector mariño e a mellora das competencias laborais dos seus integrantes, creando oportunidades para a formación e a inserción laboral de colectivos que foron capacitados en programas formativos do municipio.

No marco das competencias que ten atribuídas pola Lei de Bases de Réxime Local e dentro das súas liñas estratéxicas, manifesta o seu compromiso de promover as iniciativas e actividades que contribúan no desenvolvemento económico do municipio.

Analizada a necesidade e oportunidade da continuidade deste compromiso, o impacto positivo na poboación desta actuación e a existencia de crédito suficiente nos orzamentos municipais do Concello de Narón, ve a necesidade de formalizar un convenio co a entidade idónea para o desenvolvemento das actividades que desenvolve, xa que é imposible executar estas actuacións cos medios dos que dispón actualmente o Concello.

Dada a especificidade do colectivo, a falta de entidades especializadas en traballar con el, e que contén con recursos e a infraestrutura necesaria, resulta difícil realizar unha convocatoria pública para a execución do programa.

Este convenio está recollido no Plan Estratéxico de Subvencións do Concello de Narón para os anos 2024, 2025 e 2026, coa a fin de acadar o obxectivo de contribuíraos gastos de funcionamento da entidade.

CAPÍTULO 3.- Obxecto

O obxecto deste convenio é formalizar a colaboración entre a Confraría de Pescadores e Mariscadores de Ferrol e o Concello de Narón co fin de apoiar o desenvolvemento do proxecto de comercialización e xestión sustentable de produtos pesqueiros e marisqueiros.



Este proxecto tamén ten como obxectivo a integración laboral de persoal formado a través de accións formativas do Concello de Narón. A achega destinarase a cubrir parte dos gastos de persoal dedicados tanto á actividade na pescadería como á formación de novos traballadores.

As actividades comprendidas neste convenio desenvolveranse entre o **1 de xaneiro de 2024 e o 31 de outubro de 2024**.

CAPÍTULO 4.- Descrición do Convenio

O proxecto colaborativo impulsado pola Confraría de Pescadores e Mariscadores de Ferrol ten como obxectivo principal consolidar a comercialización de produtos mariños, especialmente o marisco bivalvo, mediante a súa depuración, clasificación e venda directa a consumidores e empresas de restauración.

Para iso, empréganse recursos para a distribución diaria e un equipo conformado por dúas traballadoras a tempo completo e un condutor. O proxecto inclúe dúas vertentes fundamentais:

1. Comercialización e promoción de produtos mariños: A través de redes sociais e estratexias de venda directa, a pescadería xestiona a exposición e comercialización de produtos mariños, asegurando que os consumidores finais e as empresas de hostalaría accedan a produtos frescos e sustentables. As traballadoras encárganse da atención ao cliente, a xestión de pedidos, a preparación de envíos e o control de existencias. Ademais, colaboran en campañas de promoción en eventos locais e gastronómicos.

2. Formación e integración laboral: Como parte da dimensión social do proxecto, unha das traballadoras actúa como titora dunha estudante formada en accións de formación do Concello de Narón. Este enfoque formativo busca facilitar a experiencia laboral de novos profesionais do sector pesqueiro, promovendo a creación de emprego na rexión e fomentando a conciliación laboral e familiar.

Por todo isto, a Confraría incorre nunha serie de gastos en nóminas de persoal e seguridade social.

Durante o período de vixencia do convenio, o Concello de Narón achegará:

- A achega económica reflectida no capítulo 6.
- Recursos humanos: asesoramento técnico-administrativo de asistencia á Secretaría en todo o relacionado co contido do convenio.

Durante o período de vixencia do convenio, a entidade achegará:

- Infraestrutura necesaria para todas as actividades propias da Confraría, nos períodos que abrangue o convenio.
- A contratación do persoal necesario no marco da normativa aplicable vixente.
- Achega dos materiais que fosen precisos.



CAPÍTULO 5.- Obrigas

Son obrigas da Confraría de Pescadores e Mariscadores de Ferrol:

1º.- Acreditar **antes da aprobación do convenio** de colaboración a seguintedocumentación:

- Memoria explicativa do proxecto ou proxectos a desenvolver, incluído un orzamento estimativo de gastos e ingresos:
 - Actividades ou programas desenvolvidos, con expresión de calendario e lugarde execución.
 - Obxectivos ou resultados acadados, características, estrutura e metodoloxíada actuación ou programa.
 - Número de beneficiarios desagregados por sexo.
 - Declaración de recursos humanos relacionados coa actividade ou programa: profesionais asalariados, voluntariado, etc.
 - Recursos materiais: descrición de instalacións e equipamento.
 - Orzamento de execución detallado con expresión do custo dos recursos humanos e materiais.
 - Declaración responsable de estar legalmente constituída e inscrita no rexistro municipal de entidades cidadás do Concello de Narón cos datos actualizados (Anexo A1).
 - Declaración responsable do/a Presidente/a sinalando se a entidade obtivo outras axudas, subvencións, e/ou ingresos procedentes de calesqueira outra Administración Pública, entidade privada, ou de particulares, para a realización dos mesmos programas e actividades (Anexo A2).
 - Declaración responsable do/a presidente/a de non concorrencia con outras axudas municipais para a mesma finalidade (Anexo 8).
 - Autorización do/a presidente/a ao Concello para obter as certificacións de estar ao corrente ou non ter débedas coa Seguridade Social, a Agencia Estatal de Administración Tributaria e da Axencia Tributaria de Galicia (Anexos 11, 12 e 13)
- No caso de presentar as certificacións orixinais recabadas directamente pola entidade dos organismos citados, non será precisa esta autorización
- Declaración responsable do/a presidente/a de non estar incurso, tanto o asinante como a entidade, nas causas de incompatibilidade ou incapacidade para obter a condición de beneficiario previstas no art. 13 da Lei 38/2003 (Anexo A3).
 - Modelo T-TES-01, do Concello de Narón, de datos bancarios, sempre



quenon consten neste Concello ou fose modificados, ou documento municipal que o substitúa.

- Declaración responsable do/a presidente/a do non ter obrigas pendentes de pago por reintegro subvencións (Anexo A4).
- Declaración responsable do/a presidente/a de que a entidade cumpre coa normativa vixente en materia de plan de autoprotección, de ser o caso (Anexo A5).
- Declaración responsable do/a Presidente/a de que os usuarios/as das actividades obxecto desta axuda están cubertos por un seguro de responsabilidade civil e/ou accidentes, que cubre axeitadamente ditas continxencias (Anexo A6).

2º.- Realizar os programas e actividades obxecto deste convenio.

3º.- Presentar a seguinte documentación para a **xustificación do convenio, ata o día 05/12/2024**, segundo o artigo 10 da Ordenanza xeral de subvencións do Concello de Narón:

- Pequena memoria das accións desenvolvidas. A memoria de actividades deberá contemplar a estrutura descrita no Anexo A7.
- Certificación expedida polo/a Secretario/a da entidade de execución das actividades obxecto do convenio.
- Relación clasificada dos gastos e inversións da actividade, con identificación do emisor e do documento, importe, data de emisión e data de pago (Anexo A9).
- Declaración responsable do/a Presidente/a de que os usuarios/as das actividades obxecto desta axuda están cubertos por un seguro de responsabilidade civil e/ou accidentes, que cubre axeitadamente ditas continxencias (Anexo A6).
- Publicitar en galego a subvención recibida seguindo as seguintes normas:
 - No local da entidade deberá figurar na entrada ou recepción unha placa ou cartel, visible, indicando a colaboración do Concello de Narón coa expresión do escudo do concello e a lenda "Entidade cofinanciada polo Concello de Narón no ano 2024" segundo o modelo do Anexo 10
 - No caso de campañas informativas, documentación propia de cada actividade, publicidade web, etc., a entidade deberá de utilizar o mesmo modelo do Anexo 10
 - A xustificación do cumprimento da publicidade farase mediante fotografía de primeiro plano e fotografía contextual da placa ou cartel na entrada da entidade, exemplares da propaganda impresa e enlace web onde estea inserida a publicidade
- Autorización do/a presidente/a ao Concello para obter as certificacións de estar ao corrente ou non ter débedas coa Seguridade Social, a Agencia



Estatal de Administración Tributaria e coa Axencia Tributaria de Galicia (Anexos 11, 12 e 13) No caso de presentar as certificacións orixinais recabadas directamente pola entidade dos organismos citados, non será precisa esta autorización

- Declaración responsable do/a Presidente/a sinalando se a entidade obtivo outras axudas, subvencións, e/ou ingresos procedentes de calesqueira outra Administración Pública, entidade privada, ou de particulares, para a realización dos mesmos programas e actividades (Anexo A2).
- Declaración responsable do/a presidente/a de non concorrencia con outras axudas municipais para a mesma finalidade (Anexo 8).
- Declaración responsable do/a Presidente/a de non estar incurso, tanto o declarante como a entidade, nas causas de incompatibilidade ou incapacidade para ser beneficiarias ou percibir subvención da Administración públicas previstas no art. 13 da Lei 38/2003 (Anexo A3).
- Declaración responsable do/a presidente/a de non ter obrigas pendentes de pago por reintegro subvencións (Anexo A4).
- Declaración responsable do/a presidente/a de que a entidade cumpre coa normativa vixente en materia de plan de autoprotección, de ser o caso (Anexo A5).

Atendendo ao artigo 69 da Lei 39/2015 de 1 de outubro do Procedemento Administrativo Común das Administracións Públicas, as declaracións responsables correspondentes aos anexos A3, A4 e A5 non será necesario presentalas na xustificación (sempre que se manteña o cumprimento das obrigas ás que fan referencia) porque xa foron achegas no seu momento para a firma do convenio, e o mencionado artigo establece que as declaracións responsables son válidas durante o período de tempo inherente ao recoñecemento ou exercizo deste convenio. No caso de producirse algún cambio, este deberá ser comunicado debidamente ao Concello de Narón.

4º.- Outras obrigas

- Someterse ás actuacións de comprobación e control previstas no parágrafo d) do apartado 1 do artigo 15 da Lei 38/2003, de 17 de novembro, Xeral de Subvencións.
- Remitir os informes, certificados e demais documentos que reclame o Concello, así como facilitar toda a información que lle sexa requirida no exercizo das súas funcións de fiscalización e control do destino das axudas.

CAPÍTULO 6.- Compromiso económico, obrigas e sistema de abono

O Concello de Narón realizará unha achega económica ata un máximo de **6.000,00 euros (seis mil euros)**, que terá a consideración de subvención nominativa e comotal aparece recollida nos orzamentos desta entidade para o presente exercizo con cargo á aplicación orzamentaria 4330-48000. Aboarase nun único pago, unha



vez aprobado por Resolución de Alcaldía a xustificación deste convenio, nos termos establecidos na cláusula quinta.

A entidade beneficiaria estará obrigada a xustificar documentalmente o cumprimento das condicións impostas e a aplicación dos fondos recibidos. **O importe a xustificar será o total do proxecto ou acción subvencionada. No caso de que a xustificación presentada non alcance o 100 por cento do proxecto adxudicado, a subvención reducirase proporcionalmente.**

IMPORTE DO PROXECTO PRESENTADO:	12.385,00 EUROS
IMPORTE CONCEDIDO:	6.000,00 EUROS
IMPORTE MÍNIMO A XUSTIFICAR:	12.385,00 EUROS
IMPORTE MÍNIMO A IMPUTAR:	6.000,00 EUROS

A responsabilidade de calquera circunstancia, dano ou prexuízo consecuencia da execución deste convenio e da realización das actividades que ten por obxecto, é exclusiva da Confraría.

Considéranse gastos subvencionables aqueles que de maneira indubitada respondan á natureza da actividade subvencionada, dentro dos que se inclúen a contratación do persoal necesario e o pago dos seus salarios (incluída a seguridade social), custe de analíticas da depuradora e outros gastos relacionados directamente coas actividades conveniadas.

Os gastos de investimento que teñan relación directa coas actividades subvencionadas ou necesarios para o seu desenvolvemento e que non foran obxecto dunha subvención específica para a súa adquisición polo Concello de Narón, tamén terán a consideración de gastos subvencionables. A amortización destes gastos, para a inclusión dos mesmos na xustificación da subvención, limitarase a un máximo de 3 anos.

Enténdese para estes efectos como gasto realizado o que foi efectivamente pagado con anterioridade á finalización do período de xustificación determinado neste convenio, e que se realizou no prazo establecido para o desenvolvemento do mesmo.

Os pagos en efectivo terán que axustarse ao límite que estableza a normativa de aplicación en cada momento.

Deste xeito, melloramos a eficiencia da xestión pública, facilitamos a utilización de medios e servizos públicos e contribuímos á realización de actividades de utilidade pública.

A efectos do disposto no artigo 10 da Ordenanza Xeral de Subvencións do Concello de Narón, e no artigo 75 do R.D.887/2006, do 21 de xullo, Regulamento que desenvolve a Lei 38/2003, Xeral de Subvencións, para a xustificación deste convenio presentarase unha conta xustificativa simplificada.



Para dar cumprimento ao que se establece no artigo 75.3 do Real decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, e o artigo 10.1.10 da Ordenanza Xeral Municipal de Subvencións do Concello de Narón, e á instrucción da Intervención Xeral Municipal de data 18 de maio de 2023 na que se establece a porcentaxe de xustificantes de gastos a comprobar o órgano instrutor comprobará o 50% dos xustificantes de gasto dos beneficiarios aplicando o mostraxe aleatorio simple, deixando constancia no expediente mediante informe do seu resultado.

CAPÍTULO 7.- Vixencia, revisión e resolución

Vixencia. O presente convenio supón a anulación de calquera convenio de data anterior e terá vixencia dende o **01/01/2024 ata o 31/10/2024** referíndose a todas as actividades realizadas dende o comezo da vixencia contidas no texto do documento.

Revisión, causas e contidos. O convenio poderá revisarse cando as circunstancias, finalidade ou obxecto para o que fose concibido variase substancialmente.

Resolución. Nos casos puntuais contemplados na normativa vixente, e cando nonse estea a cumprir o obxecto do convenio, interpretado discrecionalmente polo concello de Narón de acordo cos criterios fixados na normativa legal aplicable.

CAPÍTULO 8.- Avaliación, seguimento e interpretación:

No caso de detectarse incidencias ou dúbidas no desenvolvemento do convenio, estas serán tratadas a través dunha comisión composta por:

- O Concelleiro Delegado de Promoción Económica.
- A Técnico de Promoción Económica e Programas de Cooperación
- O Patrón Maior (ou persoa en quen delegue).

De persistir as incidencias ou dúbidas, a interpretación das mesmas será resolta por Resolución de Alcaldía.

CAPÍTULO 9.- Causas de invalidez da resolución de concesión e reintegro

Serán causas de resolución da concesión da subvención as contempladas no art. 47 da Lei 39/2015, do 1 de outubro, do Procedemento Administrativo Común das Administracións Públicas, no art. 36 da Lei 38/2003, de 17 de novembro, Xeral de Subvencións, e no art. 32 da Lei 9/2007, de 13 de xuño, de Subvencións de Galicia.

Serán causas de anulabilidade da resolución de concesión as demais infraccións do ordenamento xurídico e, en especial, das regras contidas na normativa legal reguladora das subvencións.



A declaración xudicial ou administrativa de nulidade ou anulación, a renuncia da beneficiaria, e nos demais supostos de incumprimento por parte da beneficiaria, levará consigo a obriga de devolver as cantidades percibidas.

Procederá o reintegro das cantidades percibidas e a existencia dos xuros de demora dende o momento do pagamento da subvención ata a data en que se acorde a procedencia do reintegro, ou a data na que o debedor ingrese o reintegro se é anterior a esta, na contía legalmente establecida, e coa tramitación previa do expediente, nos supostos referidos nos puntos anteriores, e nos supostos referidos ao artigo 12 da Ordenanza Xeral de Subvencións do Concello de Narón

CAPÍTULO 10 : Réxime sancionador.

O artigo 13 da Ordenanza xeral de subvencións do Concello de Narón remítese á Lei 9/2007, de 13 de xuño, e a Lei 38/2003, de 17 de novembro, para as infraccións e sancións. De conformidade co artigo 58.b) da Lei xeral de subvencións constitúe infracción moi grave a non aplicación, en todo ou en parte, das cantidades recibidas aos fins para os que a subvención se concedeu. No artigo 61 da Lei de subvencións de Galicia régulanse as sancións por infraccións moi graves.

O artigo 66.3 da Lei xeral de subvencións establece que a competencia para impoñer sancións nas corporacións locais corresponde aos órganos de goberno que teñan atribuídas tales funcións na lexislación de réxime local. A dita competencia correspóndelle ao alcalde en virtude da competencia residual do artigo 21.1.s) da Leireguladora das bases do réxime local (LRBRL).

Ao abeiro do artigo 67 da Lei xeral de subvencións, a imposición das sancións en materia de subvencións efectuarase mediante expediente administrativo no que, en todo caso, darase audiencia ao interesado antes de ditarse o acordo correspondente que será tramitado conforme ao disposto na Lei 39/2015, de 1 de outubro, do procedemento administrativo común das Administracións Públicas.

CAPÍTULO 11.- Réxime de compatibilidades:

A subvención concedida a través deste convenio será compatible con outras subvencións, axudas ou ingresos coa mesma finalidade, procedentes de calquera outra administración ou de entes públicos ou privados, nacionais, da Unión Europea ou de organismos internacionais, sempre que a totalidade das axudas non supere o custo da actividade a desenvolver polo beneficiario.

Toda alteración das condicións tidas en conta para a concesión da subvención, e en todo caso a obtención concorrente doutras achegas fóra dos casos permitidos nas normas reguladoras, poderá dar lugar á modificación da resolución de concesión, nos termos establecidos na normativa reguladora da subvención.

A subvención concedida a través deste convenio será incompatible con outra subvención para o mesmo proxecto, procedente de Promoción Económica, outra área ou outra concellería do Concello de Narón.



CAPÍTULO 12.- Natureza xurídica:

O presente convenio ten natureza administrativa, subscribíndose no ámbito de aplicación de:

- Lei 7/1985, de 2 de abril Reguladora das Bases de Réxime Local
- R.D.L 781/1986, de 18 de abril, polo que se aproba o Texto Refundido das Disposicións Legais vixentes en materia de Réxime Local
- R.D.L. 2/2004, de 5 de marzo, polo que se aproba o Texto refundido da Lei reguladora das Facendas Locais.
- Lei 38/2003, de 17 de novembro, Xeral de Subvencións.
- R.D. 887/2006, de 21 de xullo, polo que se aproba o regulamento da Lei 38/2003, Xeral de Subvencións.
- Lei 9/2007, de 13 de xuño, de Subvencións de Galicia.
- Decreto 11/2009, de 8 de xaneiro que aproba o regulamento da Lei 9/2007
- Lei 15/2014, de 16 de setembro, de racionalización do Sector Público e outras medidas de reforma administrativa.
- Lei 39/2015, de 1 de outubro, do Procedemento Administrativo Común.
- Lei 40/2015, de 1 de outubro, do Réxime Xurídico do Sector Público.
- Ordenanza Xeral de Subvencións do Concello de Narón.
- Bases de Execución do vixente orzamento.

A subscrición do presente convenio non ten carácter contractual e non implicará relación contractual algunha entre o Concello de Narón e as persoas que desenvolvan as accións que constitúen o obxecto do mesmo, de xeito que por este concepto non se lle poderá esixir responsabilidade algunha, nin directa nin subsidiaria, polo acontecido no desenvolvemento do conveniado.

O Concello de Narón será titular dos resultados obtidos no desenvolvemento deste programa.

Serán competentes para coñecer de cantos litixios puideran xurdir entre as partes, como consecuencia do presente convenio, os Xulgados do Orde Xurisdiccional Contencioso- Administrativo de Ferrol.

Para aqueles aspectos non previstos neste convenio será de aplicación o previsto na Lei 38/2003, de 17 de novembro, Xeral de Subvencións; no R.D. 887/2006, de 21 de xullo, polo que se aproba o regulamento da Lei 38/2003, Xeral de Subvencións; na Lei 9/2007, de 13 de xuño, de Subvencións de Galicia; na Ordenanza Xeral de Subvencións do concello de Narón; e nas Bases de execución do orzamento do exercicio 2023.



CAPÍTULO 13. Base de Datos Nacional de Subvencions

Este convenio será publicado na Base de Datos Nacional de Subvencions (BDNS) seguindo as indicacións do Real Decreto 130/2019, de 8 de marzo, polo que se regula a Base de Datos Nacional de Subvencions e a publicidade das subvencions edemais axudas públicas.

E en proba de conformidade co anterior asinan este documento, e a un só efecto, en Narón na data de sinatura do documento

Polo Concello de Narón

Pola Confraría de Mariscadores

A Alcaldesa-Presidenta

O Patrón Maior

Marián Ferreiro Díaz

Gustavo Adolfo Chacartegui Pérez-Castrillón